



SIARAN AKHBAR

BILIF TERIMA GIFA *EXCELLENCE AWARD (ISLAMIC FINANCE TRAINING & EDUCATION)* KALI KE-DUA

7 Safar 1443H bersamaan dengan 14 September 2021M

1. Brunei Institute of Leadership and Islamic Finance (BILIF), sekali lagi, menerima pengiktirafan di Global Islamic Finance Awards (GIFA) 2021 ke-11 dalam kategori GIFA *Excellence Award (Islamic Finance Training & Education)* 2021. BILIF telah dianugerahkan buat pertama kali dalam kategori yang sama pada Anugerah GIFA ke-9 pada 16 September 2019 di Cape Town, Afrika Selatan. Tahun ini, penyampaian anugerah tersebut dilangsungkan secara dalam talian pada hari Selasa, 14 September lalu.
2. GIFA diiktiraf di arena antarabangsa sebagai salah satu anugerah paling berprestij dalam industri perbankan dan kewangan Islam. Anugerah ini diselenggarakan secara tahunan oleh Edbiz Corporation, United Kingdom, yang memberi penghargaan kepada kerajaan, institusi dan individu yang telah meraih kecemerlangan dalam menyumbang kepada pembangunan dan perkembangan industri perbankan dan kewangan Islam. Ini termasuk kemajuan dalam kepemimpinan dan pelaksanaan inisiatif bertaraf dunia, selain perkembangan produk dan perkhidmatan dengan skala yang melebar luas.
3. Pada majlis itu, Pemangku Ketua Pegawai Eksekutif BILIF, Yang Mulia Hajah Sufinah Binti Haji Sahat, mengucapkan penghargaan dan terima kasih kepada Jawatankuasa GIFA, pihak-pihak berkepentingan BILIF dan pelanggan-pelanggan BILIF atas sokongan dan kepercayaan mereka terhadap BILIF hingga kini. "Anugerah ini merupakan pengiktirafan kukuh terhadap komitmen kami dalam pembangunan modal insan untuk menaikkan standard industri kewangan Islam dan mendorong keyakinan dan komitmen kami terhadap usaha ini", ujarnya.
4. BILIF dengan giat melaksanakan misinya untuk membentuk pemimpin, pakar dan pemacu inovasi masa depan dalam bidang kewangan Islam dan kepimpinan melalui program dan acara bertaraf antarabangsa. Sejak ditubuhkan pada tahun 2010 hingga Jun 2021, BILIF telah mengadakan lebih dari 500 kursus-kursus pembelajaran dan latihan berkualiti tinggi dan mengadakan lebih dari 58 seminar signature and acara kolaborasi bagi lebih dari 13,000 peserta. Ini juga termasuk program-program *Virtual Instructor-Led Training (VILT)* dan acara-acara yang dikendalikan secara dalam talian.

Maklumat lebih lanjut mengenai BILIF boleh didapati di www.bilif.com.bn dan akaun Instagram @BILIF.bn.

Tarikh: 7 Safar 1443H / 14 September 2021M